



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 22. Sacræ Imagines Pragæ ex arcis templo a Bohemis Protestantibus
ejectæ.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Ceterum Maximilianus Bavariae Dux Sæc. XVII. A. C. 1619.
 querelas & postulata, quæ Protestan-
 tes Norimbergæ congregati eidem pro-
 posuerant, ad eundem Conventum Her-
 bipolensem rejecit, pollicitus, intra bi-
 mestre responsum eis esse reddendum.

§. XXII.

*Sacræ Imagines Pragæ ex arcis Tem-
 plo a Bohemis Protestantibus
 ejectæ.*

Postquam Fridericus Palatini Comes Bellus l. 3. Merc. Gal-
 lob. t. 13. l. I. Arnold. Hist. Hæres. part. 2. l. 16. cap. I. §. 9. pag. 891.
 ex Norimbergensibus comitiis die
 decima sexta Decembris Pragam ad-
 venerat, ut Calvinianæ sectæ fervo-
 rem luculento testaretur specimine, ma-
 gisque sibi rebellium Bohemorum af-
 fectum conciliaret, a potestatis huma-
 næ sublimioris contemptu, ad impium
 Superiorum despectum die vigesima pri-
 ma ejusdem Mensis transitum facere
 constituit, promulgato edicto, vi cujus
 in Rathschini seu arcis Regiæ Templo
 D. Vito & Wenceslao Martyribus sacro
 omnes ad unam Cælitum Imagines,
 sculptæ, fusæ, vel in tabulis depictæ
 unacum Altaribus everti jubebantur.
 Mox igitur Christi Salvatoris nostri in
 Crucem acti, suæque Sanctissimæ Ma-
 tris simulacra a Calvinianis Iconocla-
 stis e pavimento revulsa frustratim di-
 scer-

Sæc. XVII. scerpuntur, sacræ reliquiæ contamina-
A. C. 1619. tis pedibus & ocreis proculcantur, e-
 versisque Altaribus Sanctorum Statuæ
 & Imagines impiorum Nebulonum lu-
 dibrio & furori exponuntur. Spargitur
 paulopost per urbem rumor, Friderici
 jussu etiam Crucem in ponte Moldavi-
 co antiquitus erectam pari rabie esse
 evertendam; cum autem Cives Catho-
 lici pro tam vetere pietatis monumen-
 to defendendo arma pararent, Sena-
 tus, & præcipue Comes Schlickius
 Fridericum convenerant, supplices, ut
 suum revocaret imperium. Eo autem
 id sibi in mentem nunquam venisse, re-
 ponente, tumultus conquievit, sacrilegi
 autem sectatores suis in intemperis per-
 sistentes augustissimum antea Templum
 prope propius in Augiæ stabulum ver-
 terunt, se Deo obsequium præstasse ar-
 bitrati, quod ex Christianorum cordi-
 bus Passionis Dominicæ, ac virtutum,
 quibus Sancti inclaruerunt, memoriam
 extirpare conati sint: Impii etiam hu-
 jus facinoris Encomiastes erat Abraha-
 mus Scultetus Calvinianus Aulæ Præ-
 co, qui Palatino jubente ac præsentem,
 in die Christo nato sacra concionem ha-
 buit, causamque hujus profanationis
 inter alias hanc quoque injurius protu-
 lit, quod *perpetratam non semel coram
 Statuis etiam in conspectu suo idololatriam
 ferre*

ferre per conscientiam suam Rex diutius non
 posset. In quo sane misellus hic Decla-
 mator, ac præcipuus ejus iconoma-
 chiæ incentor suam ignorantiam circa
 Catholicum S. Imaginum cultum nimis
 aperte prodidit, ac paulopost sacrilegi
 sui conatus pœnas dedit, cum ejus do-
 mus unacum omni sua suppellectili,
 profanisque picturis ab ultrice flamma
 correpta conflagrarit, ejusque uxor
 mente mox capta circa Calendas Ja-
 nuarias suis in furiis extincta fuerit.
 Die autem vigesima septima Decembris
 noctu Elisabetha Palatini uxor filium
 peperit, inde vero bacchantibus Bo-
 hemis novum lætandi argumentum, eo-
 quod hæreditariam rebellionis infamiam
 in novum hunc Regni hæredem
 translatum iri sperassent: Trigesima
 prima demum hujus Mensis die Bohe-
 mi fœdus cum Gabriele Bethlemio fir-
 mabant, missis ad eundem centies mil-
 le florenis: Fœderati quoque Ordines,
 cum Europæ Respublicas multiplicare,
 & Monarchica Imperia sensim evertere,
 unice intenti essent, non modo Bohe-
 mis omne pollicebantur auxilium, sed
 etiam varias incitabant viciniore Pro-
 vincias, & Principes, ut horum mo-
 tum opportunitate usi, sese cum Bel-
 gis unirent, & mutua ope sibi com-
 munem libertatem procurare, Prin-
 cipum-

Sæc. XVII.
 A. C. 1619.

Newill. Hist.
 d' Holland.
 cap. 3. pag.
 197. l. 4.

Sæc. XVII.
A. C. 1619. cipumque suorum, licet legitimorum
jugum excutere molirentur. Mauri-
tius vero Nassovius clam Fridericum
Electorem instigabat, ut Bohemiæ dia-
dema immote possideret: insuper etiam
milites conscribebat, ut eundem con-
tra suos hostes in Palatinatu tuerentur,
eique obtentam dignitatem sartam ser-
varent.

§. XXIII.

*Continuati tumultus in Rætia.**Lundorp.**l. 19. c. 1.**Ferrer. con-**tin. tom. II.**Bucelin.**Ræt. sacra.*

Tumultuantibus interim Bohemis tur-
bæ in Rætia recrudescere cæpe-
rant, ac præprimis Engadina, (quod
Caput Oeni vocatur) validis factioni-
bus jactabatur. Habebantur Mense Ja-
nuario Curix Comitia, in quibus ratio
Administrationis a Vallis Telinæ Mi-
nistris exacta, simulque subditorum
querelæ auditæ fuerunt. Attamen
quanto major diffidia componendi sol-
licitudo adhiberi videbatur, tanto ma-
jores excitati sunt tumultus, Plantana
& Salisina factionibus invicem sese in-
fano furore insectantibus: nihil quoque
prætermittebant Hispani, Galli, Ve-
netique, ut suam quisque factionem
sibi propitiam potenter adjuvare pos-
sent. Incusabat Franciæ Legatus Ve-
netum Oratorem, quod inito cum Ræt-
tiis